



08054

大事記十二卷

附通釋三卷
解題十二卷



中華叢書

退補室開卷

卷
補題十二卷
解題三卷

大事記序

或有問於余曰漢儒重史學宋儒重理學然則漢無理學宋無史學歟余曰非也史學盛於漢而明理學者有董江都理學昌於宋而通史學者有呂成公安見漢無理學而宋無史學乎成公著大事記十二卷

大事記序

一

退補齋
藏板

始周敬王三十九年訖漢武帝征和三年其書法皆取則于太史氏復採羣書以發其凡通釋三卷若網若綱有條不紊而要義格言悉原經典擇精而語詳非漫無根據者比解題十二卷如春秋之有經而參以左氏之傳舉凡史漢異同與通

鑑之得失靡不參以已見而明辨之故朱
子語錄稱成公論史之精密有非漢儒所
能及者嗚呼可貴也已是書為徐小雲比
部購于廠肆辛未春間寄鄂余重鋟之以
見宋時講學惟成公兼通史傳蓋不徒以理
學開八婺之先也是書外如東漢精華十七

大事記序

二

退補齋
藏板

史詳節皆成公著以卷帙浩繁未能遽授
梓人姑俟異日焉同治十二年癸酉三月
永康後學胡鳳丹月樵甫謹序



大事記原序

司馬子長年表大事記蓋古策書遺法獲麟以上既見於春秋經周敬王三十九年以下今采左氏傳歷代史邵康節先生皇極經世司馬文正公稽古錄資治通鑑目錄舉要歷輯而廣之意所未安參稽百代頗爲增損書法視太史公所錄不盡用策書凡例云起春秋後訖於五代分爲若干卷通釋若干卷解題若干卷合若干卷清熙七年正月一日東萊呂祖謙伯恭序

卷一序

一

退補齋藏板

大事記卷一

宋呂祖謙撰

郡後學胡鳳丹月樵校梓

庚申周敬王

丙

三十九年

魯哀公十四年齊簡公四年晉定公午三十一年

年秦悼公十年楚惠王章八年宋景公頭曼三十六年衛出公輒十二年陳湣公越二十一年蔡成侯朔

十年鄭聲公勝二十年燕獻公十二年吳王夫差十五年並史記年表

春魯人獲麟孔子作春秋

稽古錄

夏四月齊陳恆與闞止爭政殺止遂執簡公置於舒

州

以左氏傳魯史脩

五月庚申朔日有食之

魯史

卷一 大事記

一

退補齋藏板

宋向魘謀弑景公不克入於曹以叛

以魯史左傳脩

莒郊公狂薨

通鑑外紀

六月宋向魘自曹出奔衛

魯史

齊陳恆弑簡公於舒州立簡公弟驁而相之遂專國

權孔子沐浴朝魯哀公請討之不果從

以魯史史記年表論撰脩

冬有星孛

魯史

魯饑

外紀

周敬王四十年

魯哀公十五年齊平公驁元年晉定公三十二年宋景公三十七年衛莊

公崩

元年

夏五月齊高無平出奔北燕魯史

秋晉趙鞅帥師伐衛魯史

冬魯及齊平子服回如齊端木賜為介齊歸魯侵地

以魯史左傳史記年表修

閏十二月衛太子蒯聩自戚歸於衛衛出公輒出奔

魯以杜預釋例左傳修

熒惑守心宋景公憂之司星子韋曰可移景公不可

以史記年表世家修

周敬王四十一年魯哀公十六年楚惠王十年衛莊公二十三年宋景公

卷一

大事記

二

退補齋藏板

三十八年

春二月衛公子還成出奔宋魯史

夏四月孔子卒以魯史左傳修

六月衛孔惺出奔宋左傳

秋七月楚白公孫勝殺令尹公子申司馬公子結

執楚子置於高府以左傳修

陳人侵楚左傳

楚葉公沈諸梁率方城外人討公孫勝誅之迎楚子

復位以左傳稽古錄皇極經世修

衛太叔遺奔晉傳以左

周敬王四十二年魯哀公十七年齊平公三年晉定公三年陳湣公二十三年吳王十八年四年楚惠王十一年衛莊

春衛太子疾殺渾良夫稽古錄

三月越子伐吳吳子禦之笠澤吳師敗績傳以左

夏六月晉趙鞅圍衛齊國觀陳瓘救衛晉師還傳以左

秋七月己卯楚公孫朝帥師滅陳傳以左

冬十月晉趙鞅復伐衛衛人出莊公而與晉平晉立

公孫般師而還傳以左

十一月衛莊公歸於衛般師出石圃作亂莊公死於

戎州己氏衛人復公孫般師而立之以左傳稽古錄修

十二月齊人伐衛立公子起執般師以歸左傳

魯哀公會齊平公盟于蒙以左傳修

甲子周敬王四十三年魯哀公十八年齊平公四年秦悼公十四年楚惠王十二年

年宋景公四十年衛侯起元年

春宋殺右師皇瑗以稽古錄修

楚公孫寧敗巴師于薊以稽古錄修

夏衛石圃逐其君起起奔齊公自齊復歸逐石圃以左

左

左

卷一 大事記

三

退補齋藏板

傳

齊陳恆殺鮑氏晏氏及公族之强者割齊安平以東

至琅瑯為封邑

以史記世家修

秦悼公薨子厲共公立

以史記年表世家修

周敬王四十四年

秦厲共公元年楚惠王十三年衛出公後元年吳王二十年

春越人侵楚

左傳

夏楚公子慶公孫寬追越師不及

左傳

秋楚沈諸梁伐東夷三夷男女及楚師盟于敖

左傳

王崩太子仁嗣位是為元王

以左傳皇極經世修

卷一 大事記

四

退補齋藏板

吳伐楚

史記年表

周元王元年

魯哀公二十年齊平公六年晉定公二十七年秦厲共公二年鄭聲公二十六年

年吳王二十二年

夏齊人魯人鄭人會於廩丘謀伐晉

以稽古錄左傳修

冬吳子殺公子慶忌

以左傳修

十一月越圍吳

左傳

晉定公薨子出公錯立趙鞅降三年之喪為期

以史記世

家年表修

晉趙簡子卒

以左傳修

晉趙無恤滅代以史記蘇氏古史修

蜀人聘秦以史記年表修

晉荀瑤伐鄭取九邑以史記世家修

周元王二年魯哀公二十一年齊平公七年晉出公錯元年

夏五月越人聘魯始通使於上國以左傳稽古錄修

秋八月齊平公魯哀公邾桓公盟于顧以左傳修

周元王三年魯哀公二十二年齊平公八年晉出公二年楚惠王十六年宋景公四十四年

吳王夫差二十三年

夏四月越人納邾隱公于邾邾桓公奔越以左傳稽古錄修

卷一 大事記

五 退補齋藏板

冬十一月丁卯越滅吳吳子夫差自殺以左傳修

越子會齊晉諸侯于徐州以史記世家皇極經世修

越人致貢賜越子胥命爲伯以史記世家修

越以江北地至泗上與楚以泗東地與魯歸吳所侵

宋地以史記世家修

越范蠡辭祿遊五湖以皇極經世修

越子殺大夫文種以史記世家皇極經世修

隕石于晉外紀

周元王四年魯哀公二十三年齊平公九年晉出公三年秦厲其公五年楚惠王十七年蔡

成侯十
九年

夏六月晉荀瑤伐齊敗齊高無平于黎丘以稽古錄修

秋八月魯叔青如越越諸鞅聘魯以左傳修

蔡成侯薨子聲侯產立以史記世家修

楚人聘秦以史記年表修

周元王五年魯哀公二十四年齊平公十年晉出公四年秦厲共公六年蔡聲侯元年

夏四月晉出公及魯臧石伐齊取廩丘以左傳稽古錄修

越人執邾子以歸立公子何以左傳修

魯哀公以公子荆之母為夫人以荆為太子以左傳稽古錄修

修

卷一 大事記

六 退補齋藏板

閏四月魯哀公朝于越越將妻公季孫肥使因太宰

嚳納賂乃止以杜預釋例左傳修

義渠聘秦以史記年表修

杞公子闕路弑潛公自立以世家修

周元王六年宋景公四十七年衛出公後七年

夏五月庚辰衛褚師比及諸大夫逐出公出公奔宋

以左傳稽古錄修

彗星見以史記年表修

周元王七年魯哀公二十六年齊平公十二年晉出公六年宋景公四十八年衛出公後八年

夏五月越皐如后庸宋樂茂魯叔孫舒伐衛納出公越人受賂不克納師還立莊公之弟黜實悼公以左傳稽古錄修

冬十月宋景公薨景公無子取元公會庶孫得與啓畜諸公宮大尹矯命立啓六卿逐啓及大尹而立得以左傳稽古錄修

王崩太子介嗣位是爲貞定以史記本紀稽古錄皇極經世修

晉荀瑤城宅陽以水經注修

周貞定王元年魯哀公二十七年齊平公十三年晉出公七年宋昭公得元年衛悼公黜三十二年鄭聲公

春越子使后庸聘魯且言歸駘上之田於邾二月魯哀公及越后庸盟于平陽以左傳修

夏四月魯季康子卒左傳

晉荀瑤帥師伐鄭次于桐丘齊陳恆帥師救之晉師乃還以左傳修

秋八月魯哀公將以越伐魯而去三桓甲戌出奔越

卷一 大事記 七 退補齋藏板

魯人立其子悼公寧以左傳稽古錄修

甲戌周貞定王二年魯悼公元年

彗星見史記年表

周貞定王三年晉出公九年

晉地震以外紀修

周貞定王四年

燕獻公薨子孝公立史記世家

周貞定王五年晉出公十一年鄭聲公元年

晉荀瑤趙無恤帥師圍鄭荀瑤恥趙無恤無恤由是

卷一 大事記

八 退補齋藏板

甚瑤以左傳稽古錄修

周貞定王六年晉出公十二年秦厲共公十四年楚惠王二十六年鄭聲公三十八年

晉人楚人聘秦以史記年表修

鄭聲公薨子哀公易立以年表修

晉河絕于扈外紀

周貞定王七年鄭哀公易元年

周貞定王八年秦厲共公十六年

秦伐大荔取其王城以史記本紀修

杞哀公薨潛公子出公敕立以世家修

周貞定王九年

周貞定王十年

周貞定王十一年 魯悼公十年齊平公二十三年晉出公十七年

晉荀瑤與趙氏韓氏魏氏分范中行氏之地以為己

邑出公告齊魯欲伐四卿四卿反攻出公出公奔齊

道死荀瑤立昭公會孫驕國事皆決於瑤 以史記世家稽古錄

修

晉荀瑤滅夙繇 以外紀修

甲申周貞定王十二年 晉出公十八年蔡聲侯十五年

卷一

大事記

九

退補齋藏板

蔡聲侯薨子元侯立 以年表修

晉荀瑤襲衛 以古史戰國策修

晉三卿宴于藍臺荀瑤戲韓虎而侮韓氏之相段規

以稽古錄修

晉河水赤三日 外紀

周貞定王十三年 齊平公二十五年晉哀公驕元年秦厲共公二十一年蔡元侯元年

晉取秦武城 以史記本紀修

齊平公薨子宣公積立田成子卒子盤立 以史記世家修

周貞定王十四年 齊宣公積元年鄭哀公八年

鄭人弑哀公立聲公之弟丑

世十八

周貞定王十五年

鄭共公丑元年

周貞定王十六年

晉哀公四年齊宣公三年

晉荀瑶與魏駒韓虎圍趙無恤于晉陽無郵使其臣

張孟談約韓魏攻荀瑶滅之三分其地張孟談辭趙

氏耕於負親之丘

以史記年表世家修

齊田盤使其宗人盡為齊都邑大夫與三晉通使

以史記年表世家修

晉趙氏使新稚狗伐狄取左人中人

以國語列子外紀修

卷一 大事記

十

退補齋藏板

周貞定王十七年

晉哀公五年秦厲共公二十五年

晉知開奔秦

以史記年表修

周貞定王十八年

秦左庶長二十六年衛悼公十八年蔡元侯六年

秦左庶長城南鄭

以年表修

衛悼公薨子敬公弗立

以古史史記世家修

蔡元侯薨子齊立

以世家修

周貞定王十九年

衛敬公弗元年蔡侯齊元年燕孝公十五年

燕孝公薨子成公立

以世家修

周貞定王二十年

秦厲共公二十八年燕成公元年

越人迎女於秦

以史記
年表修

杞出公薨子簡公春立

以史記
家修

周貞定王二十一年

晉哀公九年秦厲
共公二十九年

晉知寬奔秦

以史記
年表修

甲午周貞定王二十二年

楚惠王四十二
年蔡侯齊四年

楚滅蔡

史記
年表

周貞定王二十三年

周貞定王二十四年

秦厲共公三十二
年楚惠王四十四年

楚滅杞

史記
年表

卷一 大事記

十一

退補齋
藏板

楚與秦平

以史記
世家修

周貞定王二十五年

秦厲共公
三十三年

秦伐義渠執其君以歸

以史記年表
皇極經世修

周貞定王二十六年

秦厲共公
三十四年

日有食之

以史記
年表修

秦書晦星見

以史記
年表修

秦厲共公薨子躁公立

以史記
本紀修

周貞定王二十七年

秦躁公
二年

周貞定王二十八年

秦躁公
三年

王崩長子去疾立是爲哀王立二月弟叔弑哀王而自立是爲思王立五月弟嵬弑思王而自立是爲考

王以史記本紀修

考王封其弟揭於河南以續周公之職是爲河南桓

公以稽古錄修

秦南鄭反以稽古錄修

周考王元年

周考王二年晉哀公十八年

晉哀公薨子幽公柳立以世家修

卷一 大事記

五 退補齋藏板

周考王三年

甲辰周考王四年晉幽公柳元年

晉幽公反朝韓趙魏公室獨有絳曲沃餘皆入三晉

以史記世家修

周考王五年

周考王六年秦躁公八年

六月秦兩雪以史記年表修

日有食之以史記年表修

周考王七年燕成公十六年

燕成公薨子湣公立以史記世家修

周考王八年秦躁公十年燕湣公元年

彗星見以秦始皇本紀秦紀修

周考王九年楚惠王五十七年衛敬公十九年

楚子薨子中立以史記世家修

衛敬公薨子糾立是為昭公是時三晉強衛如小侯

屬之以史記世家修

周考王十年魯悼公三十七年楚簡王中元年衛昭公元年

楚滅昔以史記年表修

卷一 大事記

三

退補齋藏板

魯悼公薨子元公嘉立以史記世家稽古錄修

周考王十一年魯元公嘉元年秦躁公十三年

義渠伐秦侵至涇陽以史記年表

周考王十二年秦躁公十四年

秦躁公薨弟懷公立以史記秦本紀修

周考王十三年秦懷公元年晉幽公十年

冬晉桃杏實外紀

甲寅周考王十四年魯元公四十年晉幽公十一年

晉幽公魯元公會於楚丘以外紀修

周考王十五年衛昭公六年

王崩太子午嗣位是為威烈王以史記本紀皇極經世修

衛公子伋弒昭公代立實懷公以史記世家修

西周惠公封其少子班於鞏以奉王實東周惠公以史記本紀索隱

皇極經世修

周威烈王元年晉幽公十三年秦懷公四年衛懷公壘元年鄭共公三十年

晉趙襄子卒以兄伯魯之孫獻子浣為後徙治中牟以史記世家皇極經世修

襄子之弟桓子逐浣自立於代以史記世家皇極經世修

秦庶長毘弒懷公國人立其孫靈公以史記本紀修

卷一 大事記

西

退補齋藏板

鄭共公薨子幽公己立以史記世家修

晉韓康子卒子武子啓章立魏桓子卒子斯立以史記年表世家皇極經世修

表世家皇極經世修

周威烈王二年晉幽公十四年秦靈公元年

晉趙桓子卒國人殺其子迎獻子復位以史記世家皇極經世修

周威烈王三年鄭幽公己元年

晉韓武子代鄭殺幽公鄭人立其弟繻公駘以史記世家修

周威烈王四年秦靈公二年鄭繻公駘元年

秦作上下時史記年表

周威烈王五年

周威烈王六年 晉幽公十七年

盜弒晉幽公魏斯誅亂者立幽公之子烈公止 以史記世

家年表稽古錄修

周威烈王七年 晉烈公止元年 楚簡王十三年

晉魏氏城少梁 以史記世家修

晉魏武子都平陽 以水經注修

楚伐晉南鄙 外紀

晉趙獻子城涿氏 以水經注修

卷一 大事記

五

退補齋藏板

周威烈王八年 晉烈公二年 秦靈公七年

秦與晉魏氏戰少梁 以史記年表世家修

越滅鄭 外紀

甲子周威烈王九年 晉烈公三年 秦靈公八年

晉魏氏復城少梁 以年表修

秦城塹河澗 年表

秦初以君甥妻河 年表

周威烈王十年 晉烈公四年

晉趙氏城平邑 以水經注修

周威烈王十一年齊宣公四十一年晉烈公五年秦靈公十年衛懷公十一年

秦城籍姑年表

衛敬公之孫頹弑懷公而代之實慎公以稽古錄史記世家修

秦靈公薨國人廢其子獻公而立其季父簡公以稽古錄

修

齊田公子居思伐晉趙氏鄙圖平邑以水經注修

周威烈王十二年秦簡公元年衛慎公頹元年

中山武公初立年表

西周桓公薨子威公立以外紀修

卷一 大事記

六

退補齋藏板

周威烈王十三年齊宣王四十三年晉烈公七年秦簡公二年

齊田白伐晉毀黃城圍陽狐以史記世家年表修

秦與晉戰敗鄭下年表

晉河岸崩墜龍門至于底柱以外紀修

周威烈王十四年齊宣公四十四年晉烈公八年魯元公十九年

齊田白伐魯莒及安陽以史記世家年表修

晉魏斯使其子擊圍繁龐出其民以史記世家修

周威烈王十五年齊宣公四十五年晉烈公九年魯元公二十年

齊田白伐魯取一城以史記年表世家修

齊田莊子卒子和立以史記世家

周威烈王十六年齊宣公四十六年晉烈公

日有食之以史記

命晉韓啓章趙洸伐齊人長城以外王二十四年晉

魯元公薨子穆公顯立以史記

齊田汾敗晉趙氏于平邑獲其將衛舉取平邑以水

修齊威公

周威烈王十七年晉烈公十一年秦簡公

魯穆公尊事孔伋以公儀休為相泄柳申詳為臣然

卷一 大事記

七 退補齋藏板

終不能用以孟子前漢董仲舒傳古史修

孔伋作中庸以史記

秦初令吏帶劍年表

晉魏斯伐秦築臨晉元里以史記

晉韓武子卒子虔立趙獻子卒子籍立以世

周威烈王十八年齊宣公四十八年晉烈公十二年

穆公二年鄭表

晉魏斯伐宋遂使樂羊伐中山克之使其子擊守中

山其後中山復國以史記世家列傳稽古錄修

洛城重泉本紀

齊田和伐魯取郕世家

甲戌周威烈王十九年魯穆公三年楚簡王二十五年齊宣公四十八年齊簡公八年齊宣公四十五年

秦初租禾本紀

鄭雜陰合陽以史記修

楚子薨子當立年表

周威烈王二十年楚子當元年魯穆公四年

鄭城京邑以史記修

卷一 大事記

大 退補齋

晉魏斯好賢師卜商友段干木敬田子方以世家修

魏李悝作盡地力之教及平糶法以通典修

周威烈王二十一年齊宣公五十年楚子當二年

晉魏氏以公孫成爲相戰國策

齊宣公薨子康公貸立年表

齊田會以廩丘叛田氏以史記年表世家修

晉趙氏以公仲連爲相以年表世家修

周威烈王二十二年齊康公貸元年宋昭公四十八年

宋昭公薨子悼公購由立以世家修

大事記卷二

宋呂祖謙撰

郡後學胡鳳丹月樵校梓

周威烈王二十三年

魏文侯斯二十二年韓景侯虔六年趙烈侯籍六年楚聲王五

年燕閔公三十一年宋悼公購由元年

九鼎震

本紀年表

初命晉大夫魏斯趙籍韓虔為諸侯

通鑑

燕閔公薨子釐公立

以世家修

楚聲王圍宋十月罷

以呂氏春秋修

周威烈王二十四年

楚聲王六年燕釐公元年

卷二

大事記

一

退補齋藏板

王崩太子驕嗣位是為安王

以史記本紀皇極經世修

盜弑楚聲王國人立其子類實悼王

以史記世家通鑑目錄修

周安王驕元年

秦簡公十四年魏文侯二年十四年楚悼王類元年

秦伐魏至狐陽

以世家修

周安王二年

秦簡公十五年韓景侯九年魏文侯二年十五年趙烈侯九年楚悼王二年鄭繻

公二十三年

魏韓趙伐楚至桑丘

通鑑

鄭圍韓陽翟

年表

韓景侯薨子烈侯取立

以世家修

趙烈侯薨國人立其弟武侯

通鑑

秦簡公薨子惠公立

通鑑

周安王三年秦惠公元年晉烈公二十一年魏文侯二十六年韓烈侯取元年趙武侯元年

鄭繻公二十一年

王子定奔晉

年表

魏虢山崩壅河

年表

楚歸榆關於鄭

年表

周安王四年楚悼王四年鄭繻公二十五年

楚伐鄭敗鄭師圍鄭鄭繻公殺其相駟子陽

以年表世家修

卷二 大事記

二 退補齋藏板

鄭人列禦寇為李耳之學著書傳于世耳楚人為周

守藏室吏與孔子同時楊朱亦師耳與宋人墨翟春

秋後各以其學行天下以列子史記墨子修

甲申周安王五年韓烈侯三年

日有食之

以年表修

盜殺韓相俠累

年表

周安王六年宋悼公十三年鄭繻公二十七年

鄭駟子陽之黨弑繻公而立其弟乙實康公

通鑑

宋悼公薨子休公田立

以世家修

周安王七年 秦惠公五年宋休公田元年鄭康公乙元年

秦伐繇諸 年表

周安王八年 韓烈侯六年齊康公十一年魯穆公十六年鄭康公二年

齊田和伐魯取最韓救魯 以年表世家修

鄭負黍叛復歸韓 通鑑

周安王九年 晉烈公二十七年魏文侯三十一年韓烈侯七年楚悼王九年鄭康公三年秦

惠公七年

魏伐鄭城酸棗 年表

楚伐韓取負黍 年表

卷二 大事記

三

退補齋藏板

晉烈公薨子孝公頃立 以世家通鑑目錄修

魏敗秦於注 世家

周安王十年 晉孝公頃元年

周安王十一年 秦惠公九年韓烈侯九年魏文侯三十四年趙武侯九年齊康公十四年

楚悼王十一年

秦伐韓宜陽取六邑 年表

齊田和徙其君康公于海上食一邑 皇極經世

魏韓趙敗楚師于大梁榆關 以楚世家皇極經世修

楚與秦平 世家

周安王十二年

秦惠公十年晉孝公三年魏文侯三十五年齊康公十五年魯穆公二十

秦與晉戰武城

年表

齊伐魏取襄陵

以世家皇極經世修

魯敗齊師于平陵

通鑑

周安王十三年

秦惠王十一年魏文侯三十六年齊康公十六年楚悼王十三年衛慎公

二十六年

秦侵魏陰晉

年表

齊田和會魏文侯楚人衛人於濁澤求為諸侯

通鑑

卷二

大事記

四

退補齊藏板

周安王十四年

甲午周安王十五年

秦惠公十二年韓烈侯十三年魏文侯三十八年趙武侯十二

年

秦伐蜀取南鄭

本紀

韓烈侯薨子文侯立

通鑑

魏文侯薨子武侯擊立

通鑑

趙武侯薨國人復立烈侯之子章實敬侯

通鑑

秦惠公薨子出公立

通鑑

周安王十六年

秦出公元年韓文侯元年魏武侯擊元年趙敬侯章元年齊康公十九年

田齊太公和元年
楚悼王十六年

初命齊大夫田和為諸侯通鑑

趙始都鄆邯家世

趙公子朝作亂出奔魏與魏襄邯鄆不克通鑑

魏武侯浮西河美山河之固吳起曰在德不在險列傳

魏以田文為相文卒公叔代之吳起出奔楚楚悼王

以為相以史記列傳舉要歷修

周安王十七年秦出公二年韓文侯二年魏武侯二年趙敬侯二年田齊太公二年宋休

公十一年魯穆公二十五年鄭康公十一年

卷二 大事記

五

退補齋藏板

秦庶長弒出公及其母迎靈公之子連于河西而立

之實獻公是時秦數有亂魏奪其河西地以本紀呂春秋修

田齊伐魯破之年表

魏城安邑年表

趙敗田齊于靈丘以世家修

韓伐鄭取陽城年表

韓伐宋執宋公通鑑

田齊太公薨子桓公午立以世家修

周安王十八年秦獻公元年魏武侯二年趙敬侯三年田齊桓公元年

秦止從死年紀

田齊伐魏趙救魏于廩丘田齊敗績以世家修

周安王十九年秦獻公二年魏武侯四年趙敬侯四年衛慎公四十二年

秦城歷陽徙都之以本紀修

魏敗趙人于兔臺年表

趙築剛平以侵衛世家

周安王二十年魏武侯五年趙敬侯五年田齊桓公三年衛慎公四十三年

日有食之既書晦以年表通鑑修

趙圍衛衛慎公乞師于魏魏與田齊伐趙以救衛取

卷二 大事記

六

退補齋藏板

剛平以世家戰國策修

周安王二十一年楚悼王二十一年趙敬侯六年魏武侯六年

楚悼王薨子肅王臧立宗室大臣攻吳起殺之以列傳修

趙人楚人伐魏取棘蒲以世家修

周安王二十二年韓文侯七年魏武侯七年趙敬侯七年田齊桓公五年楚肅王臧元

年鄭康公十六年

韓魏趙伐田齊至桑上年表

鄭伐韓以年表世家修

周安王二十三年魏武侯八年趙敬侯八年齊康公二十六年田齊桓公六年衛慎公

四十六年

趙襲衛不克年表

齊康公薨于海上其所食一城入于田氏田氏遂滅

齊以年表世家修

趙伐魏取黃城以世家修

齊桓公薨子威王因齊立以世家修

周安王二十四年秦獻公七年晉孝公十五年韓文侯九年魏武侯九年趙敬侯九年

齊威王因齊元年燕釐王二十五年

狄敗魏師於滄通鑑

卷二 大事記

七

退補齋藏板

魏韓趙伐齊至靈丘年表

齊伐燕趙救燕世家

秦初爲市以秦紀修

晉孝公薨子靖公俱酒立通鑑

周安王二十五年晉靖公元年韓文侯十年燕釐公二十六年趙敬侯十年楚肅王四

年魯穆公三十年

蜀伐楚取茲方通鑑

楚爲扞關以拒蜀以世家修

魯穆公薨子共公奮立通鑑

韓文侯薨子哀侯立以世家修

趙與中山戰於房子世家

周安王二十六年晉靖公二年韓哀侯元年魏武侯十一年趙敬侯十一年魯共公奮

元年

王崩太子喜嗣位是為烈王以本紀皇極經世修

魏韓趙共徙晉靖公食一城而分其地以世家修

趙伐中山中山獻四邑和以世家修

周烈王元年魯共公二年韓哀侯二年趙敬侯十二年鄭康公二十一年

日有食之年表

卷二 大事記

八

韓滅鄭因徙都之通鑑

趙敬侯薨子成侯種立公子勝與成侯爭立為亂不

克以世家修

秦初為戶籍相伍以本紀修

周烈王二年趙成侯種元年

周烈王三年魏武侯十四年趙成侯二年齊威王六年燕釐公三十年宋休公二十三年魯

共公四年衛慎公五十二年

六月趙雨雪世家

燕敗齊師于林狐通鑑

魯伐齊入陽關年表

魏伐齊至博陵通鑑

燕釐公薨子桓公立通鑑

宋休公薨子桓公辟兵立古史

衛慎公薨子聲公訓立以世家修

周烈王四年魏武侯十五年趙成侯三年燕桓公元年宋桓公元年衛聲侯訓元年

趙以大戊午為相以世家修

趙伐衛取鄉邑七十二世家

衛敗趙於北蘭世家

卷二 大事記

九

退補齋藏板

周烈王五年韓哀侯六年魏武侯十六年趙成侯四年楚肅王十年秦獻公十四年

魏伐楚取魯陽通鑑

韓嚴遂弑哀侯國人立其子懿侯通鑑

魏武侯薨不立太子公子罃與公子緩爭立國內亂

以稽古錄通鑑修

趙與秦戰高安秦師敗績以世家修

周烈王六年韓懿侯元年魏惠王罃元年趙成侯五年齊威王九年楚肅王十一年宋桓公

三年晉靖公八年衛聲公三年

趙伐齊取甄衛伐齊取薛陵以世家修

齊威王封卽墨大夫烹阿大夫始以齊強天下以世紀年

表修

齊威王來朝以年表修

韓分鄭地長子與趙以世家修

楚肅王薨無子立其弟宣王良夫以通鑑修

韓懿侯趙成侯伐魏與魏罾戰于濁澤魏師敗績遂

圍魏韓趙不和解去罾之位始定以魏世家通鑑修

宋桓公薨子剔成立古史

魏趙韓滅晉徙靖公於屯留以水經注修

卷二 大事記

十 退補齋藏板

周烈王七年秦獻公十六年韓懿侯二年魏惠王二年趙成侯六年楚宣王良夫元年宋公

剔成元年

日有食之通鑑

秦大疫年表

魏敗韓于馬陵魏世家

中山築長城世家

魏敗趙於懷世家

王崩弟扁嗣位是為顯王以皇極經世修

秦桃冬花本紀

周顯王元年秦獻公十七年魏惠王三年趙成侯七年齊威王十一年韓懿侯三年

秦雨金櫟陽以年表修

齊伐魏取觀津通鑑

趙人歸齊長城齊世家

趙與韓來攻以趙世家修

韓城邢丘以水經注修

甲寅周顯王二年韓懿侯四年趙成侯八年

趙與韓分周爲二以趙世家修

河水赤于龍門三日以水經注修

卷二 大事記

十一 退補齋藏板

周顯王三年秦獻公十九年魏惠王五年韓懿侯五年趙成侯九年齊威王十三年

魏侯與韓懿侯會於宅陽遂伐秦城武堵秦敗之於

洛陰以魏世家修

趙與齊會阿下以世家修

魏公子景賈伐韓與韓將韓明戰于陽魏師敗走以水

經注

周顯王四年魏惠王六年趙成侯十年宋公五年衛聲侯八年

魏伐宋取儀臺以世家修

周攻衛取甄世家

周顯王五年

秦獻公二十一年 魏惠王七年 趙成侯十一年 韓懿侯七年

秦章嶠伐魏趙與韓救之戰于石門秦敗魏趙韓斬

首六萬王以黼黻賀秦

以本紀年表 趙世家修

周顯王六年

秦獻公二十二年 魏惠王八年 趙成侯十二年

秦攻魏少梁趙救之

趙世家

魏伐趙取列人及肥

注以水經修

周顯王七年

秦獻公二十三年 韓懿侯九年 魏惠王九年 趙成侯十三年 燕桓公十一年 衛

聲公十一年

魏公孫痤敗韓趙師于滄獲其將樂祚

以年表通 鑑古史修

卷二 大事記

三

退補齋藏板

韓大雨三月

年表

秦庶長國伐魏與魏戰于少梁魏師敗績獲其將公

孫痤

以世家通 鑑古史修

趙成侯與韓懿侯遇于上黨

以趙世家年表修

衛聲公薨子成侯速立

以世家修

燕桓公薨子文公立

通鑑

秦孝公薨子獻公立

通鑑

魏與趙戰于榆次陽邑

以水經注修

魏侯會韓懿侯于巫沙

以水經注修

大事記卷三

宋呂祖謙撰

郡後學胡鳳丹月樵校梓

周顯王八年

秦孝公元年韓懿侯十年魏惠王十年趙成侯十四年燕文公元年魏成侯速

元

彗星見西方

年表

魏相公孫痤卒

以高君傳修

趙與韓攻秦

以趙世家修

魏伐韓取皮牢

以魏年表世家修

秦孝公下令求能出奇計強秦者衛人公孫鞅自魏

卷三 大事記

一

退補齋藏板

入秦因景監求見

以本紀通鑑修

秦伐魏取陝城

以本紀修

秦伐戎斬獮王

以本紀修

周顯王九年

秦孝公二年魏惠王十一年趙成侯十五年齊威王十九年

致文武胙於秦

以本紀皇極經世修

魏與趙伐齊

以趙世家修

周顯王十年

秦孝公三年韓懿侯十二年魏惠王十二年楚宣王十一年

晝星墜于魏有聲

以年表世家修

秦用公孫鞅變法修刑勸耕戰

以本紀修

秦置法官以高子修

韓懿侯薨子昭侯立通鑑

魏龍賈帥師築長城于西邊以水經注修

楚伐魏決白馬之口以水長垣之外以水經注修

周顯王十一年秦孝公四年韓昭侯元年魏惠王十三年趙成侯十七年齊威王二十一年

年

秦敗韓師于西山通鑑

趙成侯與魏侯遇於葛孽以趙世家修

齊以鄒忌為相以年表世家修

卷三 大事記

二

退補齋藏板

秦太子犯法衛公孫鞅刑其師傅以列傳修

魏侯及韓昭侯盟于巫沙以水經注修

韓使許息以枳道易鹿于魏以水經注修

甲子周顯王十二年魏惠王十四年韓昭侯二年趙成侯十八年齊威王二十二年

楚宣王十三年秦孝公五年宋公十三年

魏侯趙成侯會于鄆以年表世家修

宋取韓黃池以年表世家修

魏取韓朱以年表世家修

趙成侯朝齊以年表修

齊封鄒忌為成侯

以年表世家修

楚尹黑迎女於秦

表修

周顯王十三年

秦孝公六年三年趙成侯十九年齊威王二十三年燕文公六年宋公十四年魯共公二十一年衛成侯六年

魏惠王十五年韓昭侯

韓昭侯宋公魯共公衛成侯

朝魏以年表世家索隱修

趙成侯燕文公會于阿

以世家通鑑修

齊威王趙成侯宋公會于平陸

以年表世家修

秦以公孫鞅為左庶長

以本紀修

周顯王十四年

秦孝公七年魏惠王十六年趙成侯二十年齊威王二十四年楚宣王十

五年宋公十五年魯共公二十二年衛成侯七年

卷三 大事記

三

退補齋藏板

齊侯魏侯會田于郊

以年表世家修

趙作檀臺

以世家修

秦孝公魏侯會于杜平

以世家修

魏侵宋黃池宋復取之

以世家修

魯共公卒子康公屯立

以世家修

楚以昭奚恤為相

以戰國策修

趙伐衛取漆城之

以水經注修

周顯王十五年

秦孝公八年魏惠王十七年趙成侯二十一年齊威王二十五年楚宣王

十六年宋公十六年魯康
公屯元年衛成侯八年

秦敗魏師于元里取少梁

通鑑

魏伐趙圍邯鄲趙求救於齊

楚以戰國策
稽古錄修

齊田忌衛公孫倉圍魏襄陵

以救趙以世家戰國策水經注修

楚景舍帥師救趙

以世家戰國策修

宋伐趙圍一城

以戰國策古史修

周顯王十六年

秦孝公九年魏惠王十八年韓昭侯二十二年齊威王二十

六年魯康公二年衛成侯九年

魏拔趙邯鄲服十二諸侯遂稱王

以戰國策修

卷三 大事記

四

退補齋藏板

齊田忌與魏戰于桂陵魏師大敗

以世家修

齊亦稱王

以世家修極經世修

楚景舍取魏睢澨之間

以戰國策修

韓伐東周取陵觀邢丘

以世家修

周顯王十七年

秦孝公十年魏惠王十九年

秦大良造公孫鞅伐魏

通鑑

諸侯圍魏襄陵

以世家修

秦築長城塞固陽

以年表世家修

周顯王十八年

秦孝公十一年魏惠王二十年韓昭侯八年趙成侯二十四年

秦城商塞年表

秦公孫鞅圍魏固陽降之以年表修

韓以申不害為相內修法制外應諸侯韓由是興以通

鑑稽古錄修

魏歸趙邯鄲趙與魏盟漳水上以年表修

周顯王十九年秦孝公十二年魏惠王二十一年趙成侯二十五年

秦徙都咸陽以本紀修

秦壞井田開阡陌以本紀前漢食貨志修

秦弛虞衡之禁以前漢食貨志修

卷三 大事記

五

退補齋藏板

秦令民父子兄弟同室內息者為禁以列傳修

秦聚小都鄉邑為三十一縣置令丞以列傳修

秦孝公魏惠王遇于彤以世家年表修

趙成侯薨公子緜與太子爭立緜敗奔韓太子爭立

實肅侯以世家年表修

周顯王二十年秦孝公十三年趙肅侯元年

秦初置有秩史以世家年表修

周顯王二十一年秦孝公十四年魏惠王二十二年韓昭侯十一年趙肅侯二年

秦初為賦以本紀年表修

秦平斗桶權衡丈尺行之以商君世家修

趙肅侯與魏王遇於陰晉以世家修

韓昭侯朝秦以年表世家修

甲戌周顯王二十二年趙肅侯四年

趙公子范襲邯鄲不勝而死以世家修

周顯王二十三年趙肅侯四年魯康公九年衛成侯十六年

趙肅侯來朝以世家修

魯康公薨子景公偃立以世家修

衛更貶號曰侯以世家修

卷三 大事記

六

退補齋藏板

周顯王二十四年魯景公偃元年

周顯王二十五年秦孝公十八年趙肅侯六年齊威王三十五年

秦會諸侯于京師以本紀通鑑修

趙攻齊拔高唐以世家修

齊田忌攻鄒忌不勝出奔以世家修

周顯王二十六年秦孝公十九年魏惠王二十八年趙肅侯七年齊威王二十六年

王致伯于秦以通鑑修

魏以中山君為相以世家修

趙攻魏首垣以世家修

齊威王薨子宣王辟疆立

以世家修

周顯王二十七年

秦孝公二十年齊宣王辟疆元年

諸侯西賀秦

以年表皇極經世修

秦孝公使公子少官帥師會諸侯于逢澤以朝王

以本

紀年表修

周顯王二十八年

魏惠王三十年韓昭侯十八年齊宣王二年

魏龐涓伐韓齊田忌孫臏伐魏以救韓魏大發兵使

太子申將與龐涓合軍拒之戰於馬陵魏師大敗殺

太子申龐涓

以世家列傳修

卷三 大事記

七

退補齊藏板

魏城濟陽

以水經注修

周顯王二十九年

秦孝公二十二年魏惠王三十一年趙肅侯十年楚宣王三十年齊

宣王三年

秦公孫鞅會齊趙共伐魏鞅襲虜魏將公子卬大破

其軍魏獻河西之地于秦以和

以年表魏世家通鑑修

魏徙都大梁

以世家修

秦封公孫鞅為列侯食商于十五邑號商君

以本紀通鑑修

楚滅郢

以水經注修

楚宣王薨子威王熊商立

以世家修

周顯王三十年

楚威王熊元年

楚聘莊周為相不就周學出李耳著書十餘萬言列

傳修

周顯王三十一年

秦孝公二十四年魏惠王三十三年

秦與魏戰于岸門

以本紀年表索隱修

秦孝公薨子惠王立

以通鑑年表修

大荔圍秦合陽

以年表修

秦公孫鞅出奔魏魏人不納復入商于以叛秦克之

于澠池車裂鞅滅其族

以列傳戰國策修

卷三

大事記

八

退補齋藏板

蘇秦說秦連橫不受

以列傳皇極經世修

甲申周顯王三十二年

秦惠王元年韓昭侯二十二年趙肅侯十三年楚威王三十三年

年

楚威王韓昭侯趙肅侯蜀人朝秦

以本紀年表修

韓申不害卒

年表

周顯王三十三年

秦惠王二年魏惠王三十五年齊宣王七年宋公三十四年

天子使人賀秦

以本紀年表修

秦初行錢

以年表秦紀修

孟軻見魏惠王王問利國對曰王何必曰利亦有仁

義而已矣

以年表
孟子修

魏王大銀城相繇王無敵盡如故

齊宣王與魏惠王韓昭侯會于阿南

以列傳修

秦興師求九鼎齊使陳臣思帥師求救而秦兵罷

以戰

國策

宋太丘社亡

以年表修

周顯王三十四年

秦惠王三年魏惠王三十六年韓昭侯二十四年趙肅侯十五年齊

宣王八年

秦君冠

以本紀修

秦拔韓宜陽尋復歸于韓

以年表修

卷三 大事記

九

退補齋藏板

趙起壽陵

以世家修

齊宣王與魏惠王會于甄

以世家修

周顯王三十五年

秦惠王四年魏惠王後元年韓昭侯二十五年趙肅侯十六年齊宣

王九年楚威王六年

致文武胙于秦

以本紀修

齊宣王魏惠王與諸侯會于徐州以相王

以年表修

韓早作高門

以年表世家修

蘇秦說燕趙合從燕文公納之趙

以年表列傳修

越王無彊伐楚楚威王大敗越師殺王無彊盡取故

吳地至浙江越自此散微

以世家修

周顯王三十六年

秦惠王五年魏惠王後二年韓昭侯二十六年趙肅侯十七年齊宣王二十年楚威王七年燕文公二十九年衛成侯二十九年

楚威王伐齊大敗申縛于泗上遂圍徐州趙燕皆侵

齊齊請和于諸侯乃罷兵

以年表戰國策修

韓昭侯薨子宣惠王立

以世家修

齊敗燕于權

以戰國策修

蘇秦說趙肅侯以六國合從肅侯使蘇秦約韓魏齊

楚皆聽命蘇秦拜相六國為從約長

以列傳稽古錄修

卷三 大事記

十 退補齋藏板

秦使公孫衍伐魏擒魏將龍賈取彫陰

以世家年表修

秦以張儀為客卿

以列傳修

秦以公孫衍為大良造

以年表修

燕文公薨子易王立

以通鑑

衛成侯薨子平侯立

以通鑑

周顯王三十七年

秦惠王六年魏惠王後二年韓宣惠王元年趙肅侯十八年齊宣王

十一年燕易王元年衛平侯元年

秦使公孫衍激齊魏伐趙趙決河水灌之齊魏之師

乃去從約遂解

以世家通鑑列傳修

魏以陰晉與秦

以本紀年表修

齊伐燕取十城已而復歸之

以世家修

周顯王三十八年

秦惠王七年

義渠內亂秦庶長操將兵定之

年表

周顯王三十九年

秦惠王八年魏惠王後五年

秦伐魏圍焦曲沃

以年表世家修

魏以少梁與秦

以年表修

周顯王四十年

秦惠王九年魏惠王後六年楚威王十一年宋公四十年

秦伐魏渡河取汾陰皮氏伐焦

通鑑

卷三

大事記

十一

退補齋藏板

楚莊躋定黔中以西自王于滇

以西南夷傳修

楚威王薨子懷王熊槐立

以世家修

魏伐楚取陘山

以世家修

宋公剔成爲弟偃所攻出奔齊偃自立

以世家修

周顯王四十一年

秦惠王十年魏惠王後七年趙肅侯二十二年楚懷王熊槐元年宋

王偃元年

秦敗趙師于河西殺其將趙疵取離石

以世家修

秦公子華張儀圍魏蒲陽取之

通鑑

秦以蒲陽歸魏又使公子繇爲質

通鑑

魏納上郡十五縣于秦以本紀年表修

秦以張儀為相以本紀年表修

秦陳軫奔楚以列傳修

甲午周顯王四十二年秦惠王十一年魏惠王八年

秦縣義渠以其君為臣通鑑

秦歸焦曲沃于魏通鑑

周顯王四十三年秦惠王十二年魏惠王後九年趙肅侯二十四年齊宣王十七年楚懷王二年燕易王七年

秦初臘本紀

卷三 大事記

七

退補齊藏板

趙肅侯薨子武靈王立通鑑

秦楚燕齊魏各出銳師萬人會趙葬以世家修

秦魏張儀以其善為計通鑑

甲午周顯王四十二年秦惠王八年魏惠王十一年

秦周陳軫奔楚以列傳修

秦以張儀為相以本紀年表修

魏納上郡十五縣于秦以本紀年表修

大事記卷四

宋呂祖謙撰

郡後學胡鳳丹月樵校梓

周顯王四十四年

秦惠王十三年魏惠王後十年韓宣惠王八年趙武靈王元年衛平

侯八年

夏四月戊午秦初稱王

以周本紀通鑑修

趙武靈王加肥義秩

以趙世家修

韓魏舉趙趙護帥師與魏師戰韓趙敗績

表修

衛平侯薨子嗣君立

以世家修

周顯王四十五年

秦惠王後元年齊宣王十九年燕易王九年衛嗣君元年

卷四

大事記

一

退補齋藏板

蘇秦自燕奔齊為閔

以稽古錄修

齊聚學士於稷下鄒衍淳于髡田駢接子慎到環淵

之徒皆賜列第為上大夫

以世家修

秦張儀伐魏取陝

以年表列傳修

秦築上郡塞

以列傳修

周顯王四十六年

秦惠王後三年魏惠王後十二年韓宣惠王十年趙武靈王三年齊

宣王二十年楚懷王十六年燕易王十年

秦惠王十三年魏惠王後十年韓宣惠王十年趙武靈王三年齊

秦張儀與齊楚魏大臣會齧桑

以本紀楚世家修

韓燕中山皆稱王趙獨稱君其後亦稱王

以年表通鑑修

楚柱國昭陽伐魏敗魏師於襄陵取八邑復移兵伐齊陳軫說之而還以世家修

周顯王四十七年秦惠王後三年魏惠王後十三年韓宣惠王十一年趙武靈王四年

韓魏太子朝秦以本紀修

秦張儀免相相魏魏不事秦秦以公孫衍代儀相伐

魏取曲沃平周以列傳年表修

韓宣惠王與趙武靈王會于區鼠以年表世家修

周顯王四十八年韓宣惠王十二年趙武靈王五年齊宣王二十二年燕易王十二年

王崩太子定嗣位是為慎靚王以皇極經世修

卷四

大事記

二

退補齋藏板

齊封田嬰于薛號靖郭君以通鑑修

趙迎婦於韓以年表修

韓公仲公叔用事以戰國策通鑑修

燕易王薨子噲立以通鑑修

周慎靚王定元年秦惠王後五年齊宣王二十二年燕王噲元年衛嗣君五年

衛更貶號曰君獨有濮陽以世家修

齊迎婦于秦以年表修

秦惠王游北河以本紀修

周慎靚王二年秦惠王後六年魏惠王後十六年韓宣惠王十四年趙武靈王七年齊宣

王二十四年
楚懷王十年

秦伐韓取鄢以年表修

楚城廣陵年表

魏惠王會諸侯于曰里將復尊天子不克以韓非子戰國策修

魏惠王薨子襄王立通鑑

魏襄王問孟子天下惡乎定曰定於一孰能一之曰

不嗜殺人者能一之以孟子通鑑修

周慎靚王三年秦惠王後七年魏襄王元年韓宣惠王十五年趙武靈王八年楚懷王十

一年齊宣王二十五年燕王三年宋王十一年

卷四 大事記

三 退補齋藏板

蘇秦約楚齊趙韓魏燕及匈奴伐秦楚懷王為從長

攻函谷關秦出兵擊六國皆敗走以楚世家秦本紀修

義渠襲秦大敗秦人於李帛以戰國策修

宋東敗齊取五城南敗楚取地三百里西敗魏遂稱

王以世家修

秦伐魏以列傳修

甲辰周慎靚王四年秦惠王後八年魏襄王二年韓宣惠王十六年趙武靈王九年

齊宣王二十六年魯景公二十九年

齊敗魏趙于觀津以年表世家修

韓與趙魏伐秦秦使庶長樗里疾與戰修魚虜韓將

申差敗趙公子渴斬首八萬二千以年表本紀世家皇極經世修

齊大夫殺蘇秦以列傳通鑑修

魏因張儀請成于秦秦復以張儀為相以列傳本紀年表修

魯景公薨子平公旅立以世家修

周慎靚王五年秦惠王後九年趙武靈王十年齊宣王二十七年燕王五年魯平公旅元年

苴蜀相攻皆告急于秦秦使張儀司馬錯帥師取蜀

貶蜀王為侯使陳莊相之以列傳本紀修

卷四 大事記

四 退補齋藏本

秦伐趙取中都西陽以本紀修

齊以孟軻為卿以孟于修

蘇代與燕相子之為姻代說燕王噲以國讓子之王

從之以稽古錄修

周慎靚王六年公滅宜侯

王崩太子延立是為赧王以本紀皇極經世修

徙都西周本紀

周赧王元年秦惠王後十一年魏襄王五年韓宣惠王十九年趙武靈王十二年齊宣

王二十九年

秦侵義渠取二十五城

以年表修

秦樛里疾伐魏取焦及曲沃又大破韓師及魏公孫

衍於岸門韓太子倉入質於秦以和以本紀年表世家通鑑修

燕亂將軍市被與太子平攻子之不克被反攻太子

又不克而死以世家皇極經世修

齊章子伐燕取之醢子之殺王噲以世家通鑑修

燕人逐齊師趙召公子職於韓以為燕王使樂池送

之不克以通鑑年表世家修

孟子致為臣於齊而歸通鑑綱目

卷四 大事記

五

退補齊藏板

秦封公子通於蜀以本紀修

齊宣王薨于湣王地立以通鑑修

周赧王二年秦惠王後十二年魏襄王六年趙武靈王十三年齊湣王元年楚懷王十六年

宋王十六年

孟子自齊至宋自宋適滕勸滕文公修井法不果行

以孟子子修

秦惠王會魏襄王于臨晉立魏公子政為太子以本紀年

表修

秦庶長樛里疾伐趙虜趙將莊豹拔藺以本紀列傳修

齊田嬰卒子文立實孟嘗君招諸侯游士及亡人有罪者爲食客凡數千人是後魏公子無忌趙公子勝

楚歇皆效之以列傳修

楚屈原作離騷以列傳修

楚懷王趙襄王如趙以趙世家修

秦使張儀說楚絕齊親秦許賂以商于地儀歸背楚

賂楚使屈匄帥師伐齊以列傳通鑑修

周赧王三年秦惠王後十二年魏襄王七年韓宣惠王二十一年齊湣王二年楚懷王十七年

年宋王十七年

卷四 大事記

六 退補齋藏板

秦魏章樛里疾甘茂大破楚師于丹陽虜其將屈匄

及裨將逢侯丑等七十餘人斬首八萬取漢中地六

百里置漢中郡以本紀年表世家列傳修

楚懷王悉其襲秦秦大敗之于藍田韓魏絕楚至鄧

楚乃引兵歸割一城以和于秦以世家張儀傳稽古錄修

楚景翠圍魏雍氏以韓世家注修

韓宣惠王薨子襄王倉立以世家修

秦庶長樛里疾帥師救韓敗楚以本紀韓世家注修

齊宋圍魏責賚以韓世家注修

秦樗里疾與魏伐齊虜其將聲子於濮遂伐燕以本紀年

表修

燕人共立太子平實昭王以年表世家修

秦惠王魏宣王會于蒲坂以水經注修

周赧王四年秦惠王後十四年魏襄王八年韓襄王倉元年趙武靈王十五年齊湣王三年

楚懷王十八年燕昭王平元年衛嗣君十二年

燕昭王怨齊禮郭隗以招賢者以皇極經世舉要歷修

秦伐楚取召陵本紀

魏伐衛拔二城以列傳修

卷四 大事記

七

退補齋藏板

蜀相壯殺蜀侯降秦秦以王子燁為蜀侯以本紀索隱甘茂傳

修

楚囚張儀既而赦之儀遂說楚韓齊趙燕連橫事秦

以通鑑列傳修

秦惠王薨子武王立六國連橫之約皆解以本紀列傳修

周赧王五年秦武王元年魏襄王九年趙武靈王十六年

秦武王魏襄王會于臨晉以本紀通鑑修

客卿謂秦武王曰張儀之貴不得議公孫郝則從臣

不事大臣矣公孫郝之貴不得議甘茂則從臣不事

近臣矣

以戰國策修

秦蜀相壯反秦使甘茂定蜀誅壯

以本紀列傳修

秦出張儀魏章于魏

以本紀修

趙立吳娃爲后生子何家修

秦伐義渠丹犁

以本紀修

周赧王六年

秦武王二年魏襄王十一年趙武靈王十七年

秦初置丞相以樛里疾爲右丞相以茂爲左丞相

以本紀列傳修

魏張儀卒

以世家修

卷四

大事記

八

退補齋藏板

趙築野臺

以世家修

周赧王七年

秦武王三年魏襄王十一年韓襄王四年

秦武王韓襄王會于臨晉

以本紀世家修

秦樛里疾免相相韓

以本紀修

秦武王魏襄王會於應

以世家修

秋秦丞相甘茂庶長封伐韓宜陽

以本紀列傳修

秦渭水赤三日

以秦紀

甲寅周赧王八年

秦武王四年魏襄王十二年韓襄王五年趙武靈王十九年楚懷王

二十二年

正月趙武靈王大朝信宮召肥義與議天下五日而

畢以世家修

楚景翠救韓以周本紀戰國策修

秦拔宜陽斬首六萬又取武遂城之韓使公仲侈入

謝於秦以請平以本紀列傳通鑑修

秦逐公孫衍其後為魏所殺以戰國策韓非子修

魏太子朝于秦以世家修

八月秦武王舉鼎絕膺而薨無子異母弟稷立寔昭

王以本紀年表世家修

卷四 大事記

九

退補齋藏板

秦立芊八子為太后聽政以穰侯傳修

秦以魏冉為將軍衛咸陽以穰侯傳修

趙初胡服以年表修

周赧王九年秦昭王稷元年魏襄王十二年韓襄王六年趙武靈王二十年齊滑王八年楚

懷王二十三年

秦歸武遂于韓以年表世家修

楚與齊韓合從以世家通鑑修

秦甘茂樗里疾伐魏皮氏未拔甘茂棄軍奔齊樗里

疾與魏和罷兵以年表列傳戰國策修

秦以樗里疾為丞相以本紀修

趙武靈王畧中山地至寧葭西畧胡地至榆中使趙

固主胡致其兵以世家修

周赧王十年秦昭王二十二年魏襄王十三年趙武靈王二十一年楚懷王二十四年

彗星見本紀

趙攻中山取丹丘爽陽鴻之塞又取鄣石邑封龍東

垣中山獻四邑以和以世家通鑑修

秦庶長壯及大臣諸公子作亂魏冉誅之遂殺惠文

后出悼武王后於魏以本紀列傳通鑑修

卷四 大事記

十 退補齋藏板

楚倍齊而合秦以世家修

秦迎婦于楚以年表修

魏城皮氏以水經注修

周赧王十一年秦昭王三十三年楚懷王二十五年

秦昭王冠以本紀修

秦昭王楚懷王盟于黃棘秦復與楚上庸以世家修

周赧王十二年秦昭王四年魏襄王十六年韓襄王九年趙武靈王二十三年齊潛王十

二十六年楚懷王

彗星見以本紀年表修

秦取魏蒲阪陽晉封陵

以世家年表修

秦復取韓武遂

以世家修

趙攻中山

以世家修

齊韓魏伐楚楚使太子橫為質于秦而請救秦客卿

通將兵救楚三國引兵出

以世家通鑑修

周赧王十三年

秦昭王五年魏襄王十七年韓襄王十年楚懷王二十七年

魏襄王韓太子嬰朝秦秦朝王會之於臨晉以蒲阪

與魏

以本紀世家修

楚太子橫自秦亡歸

以世家修

卷四 大事記

十一

退補齋

周赧王十四年

秦昭王六年魏襄王十八年韓襄王十一年趙武靈王二十五年齊湣王

十三年楚懷王五十八年

秦蜀郡守輝反司馬錯定蜀誅之

以本紀年表修

秦伐韓取穰

以世家修

秦庶長奭與齊韓魏共攻楚敗楚於重丘殺楚將唐

昧斬首二萬

以本紀世家修

趙惠后薨使周紹胡服傅王子何

以世家修

秦涇陽君為質于齊

以本紀修

日有食之

以本紀修

秦晝晦以本紀作

秦蜀郡守李冰鑿離畢避沫水之害穿二江成都中

以前漢志修

魏史起引漳水溉鄴以前漢志修

周赧王十五年秦昭王七年魏襄王十九年韓襄王十二年趙武靈王二十六年齊湣王

十四年楚懷王二十九年燕昭王十一年

秦樛里疾卒以樓緩為相趙使仇液之秦請以魏冉

為秦相秦免緩而相冉以年表列傳修

東周與西周戰韓救西周本紀

卷四大事記

五

退補齋藏板

韓太子嬰卒楚圍韓雍氏將納公子蟣虱為韓太子

楚師敗蟣虱不得歸韓以世家及注修

韓徵甲與粟於東周以本紀修

秦華陽君伐楚斬首三萬殺其將景缺取襄城以通鑑年

表世家修

楚太子橫質于齊以世家修

齊王魏王如韓以韓世家修

趙攻中山林胡樓煩攘地北至燕代西至雲中九原

置雲中鴈門代郡以世家前漢匈奴傳修

燕將秦開襲破東胡東胡卻千餘里置上谷漁陽右

北平遼西遼東郡以前漢匈奴傳修

周赧王十六年秦昭王八年魏襄王二十年趙武靈王二十七年韓襄王十三年齊湣王

十五年楚頃襄王二十年

秦將軍半戎攻楚取新市齊章子魏公孫喜韓暴為

助秦攻楚虜唐昧取八城以本紀年表

五月戊申趙武靈王傳國於少子何實惠文王以肥

義為相國并傅王武靈王自號主父以世家修

魏襄王與齊湣王會于韓立公子咎為韓太子以年表世

卷四 大事記

三

退補齋藏板

家修

秦昭王誘楚懷王會武關至則執之楚大臣共立太

子橫為王實頃襄王以世家修

秦以田文為相以齊世家年表修

周赧王十七年秦昭王九年魏襄王二十六年韓襄王二十四年趙惠王何元年齊湣王十

六年楚頃襄王橫元年

秦以樓緩代田文為丞相囚文欲殺之文亡歸齊齊

以文為相

齊韓魏伐秦敗秦軍于函谷關河渭絕一日秦使公

子池割河東三城以講於三國三國之兵乃退以年表世

家戰國策修

趙封公子勝為平原君以年表修

秦伐楚大破楚軍斬首五萬取十六城以世家年表修

甲子周赧王十八年秦昭王二十年趙惠文王二十年楚頃襄王二十年魯平公二十年

楚懷王自秦走趙趙人不受秦追及之以歸以世家通鑑修

魯平公薨子湣公賈立以通鑑修

08054

卷四 大事記

丙 退補齋藏板

魯平公薨于閭公賈立
魯平公薨于閭公賈立
魯平公薨于閭公賈立

魯平公薨于閭公賈立
魯平公薨于閭公賈立
魯平公薨于閭公賈立

魯平公薨于閭公賈立
魯平公薨于閭公賈立
魯平公薨于閭公賈立

魯平公薨于閭公賈立
魯平公薨于閭公賈立
魯平公薨于閭公賈立

魯平公薨于閭公賈立
魯平公薨于閭公賈立
魯平公薨于閭公賈立

魯平公薨于閭公賈立
魯平公薨于閭公賈立
魯平公薨于閭公賈立

魯平公薨于閭公賈立
魯平公薨于閭公賈立
魯平公薨于閭公賈立



